



SLUŽBENI GLASNIK

OPĆINE SANSKI MOST

Godina XXII Broj 04/22 Sanski Most, 24. Mart, 2022. god.

Izdavač:
Općinsko vijeće
Sanski Most

Redakcioni odbor:
Evelin Rizvanović

Odgovorni urednik:
Edisa Hodžić

Pretplata: 50 KM

SADRŽAJ

Službeni glasnik općine Sanski Most
Broj: 04/22 Godina XXII 24. mart 2022. god.

Odluka o stavljanju van snage Odluke o izmjenama i dopunama Odluke o plaćama i naknadama zaposlenika u Općinskim organima općine Sanski Most	3
Odluka o rasporedu sredstava za finansiranje parlamentarnih grupa i pojedinaca u Općinskom vijeću Sanski Most u fiskalnoj 2022. godini	4
Odluka o izmjenama i dopunama Odluke o odvodnji i prečišćavanju otpadnih voda	6
Odluka o izmjeni i dopuni Odluke o izgradnji i načinu finansiranju izgradnje lokalnog kanalizacionog sistema na području općine Sanski Most	8
Odluka o izmjenama Odluke o pristupanju izradi Prostornog plana općine Sanski Most za vremenski period od 20 godina	9
Odluka o dodjeli stipendija redovnim studentima općine Sanski Most	11
Rješenje o razrješenju člana Komisije za pitanja boraca	15
Rješenje o razrješenju člana UO JU “ Centar za socijalni rad” Sanski Most	16
Zaključak o usvajanju Izvještaja o rješavanju upravnih stvari u upravnom postupku za 2021. godinu	17
Zaključak o usvajanju Plana poslovanja JKP “Vodovod i kanalizacija ”doo Sanski Most za 2022. godinu	18
Zaključak o usvajanju Programa rada sa Finansijskim planom JP “Gradska dvorana” doo Sanski Most za 2022. godinu	19
Zaključak o usvajanju Plana Programa rada i Finansijski plan JU “Narodna biblioteka” Sanski Most za 2022. godinu	20
Zaključak o usvajanju Programa rada sa Finansijskim planom JP “RTV Sana” doo Sanski Most za 2022. godinu	21
Zaključak o neusvajanju Rješenja o razrješenju člana UO JU “Općinski fond za komunalne djelatnosti i infrastrukturu” Sanski Most	22

Na osnovu člana 24. Statuta općine Sanski Most ("Službeni glasnik općine Sanski Most", br.4/08,5/08,5/09,2/10, 9/11), Općinsko vijeće na 13. sjednici održanoj dana 23.03.2022. godine, donosi :

ODLUKU

o stavljanju van snage Odluke o izmjenama i dopunama Odluke o plaćama i naknadama zaposlenika u Općinskim organima općine Sanski Most

Član 1.

Ovom Odlukom stavlja se van snage Odluka o izmjenama i dopunama Odluke o plaćama i naknadama zaposlenika u Općinskim organima općine Sanski Most, broj: 01-02-358/21 od 03.11.2021.godine („Službeni glasnik općine Sanski Most“, br. 11/21).

Član 2.

Ova Odluka stupa na snagu danom donošenja i objavit će se u Službenom glasniku općine Sanski Most“.

Broj:01-02-90/22
Datum:24.03.2022.

Predsjedavajuća Općinskog vijeća
dr.Sanda Čekić,s.r.

Na osnovu član 7. Zakona o finansiranju političkih stranaka ("Službeni glasnik BiH" broj: 95/12), člana 24. Statuta općine Sanski Most ("Sl. glasnik općine Sanski Most", broj 4/08 ,05/08 ,5/09, 2/10 i 9/11) i člana 33. Odluke o izvršenju Budžeta općine Sanski Most, na 13. sjednici Općinskog vijeća održanoj dana 23.03.2022.godine donesena je

O D L U K A

o rasporedu sredstava za finansiranje parlamentarnih grupa i pojedinaca
u Općinskom vijeću Sanski Most u fiskalnoj 2022.godini

Član 1.

Ovom Odlukom vrši se raspored sredstava utvrđenih za fiskalnu 2022. godinu, grant "Sredstva za finansiranje parlamentarnih grupa i pojedinaca", ekonomski kod 614 323, redni br.57, koji su zastupljeni u Općinskom vijeću Sanski Most.

Član 2.

Budžetom utvrđena sredstva za namjenu iz predhodnog člana iznose 120. 000,00 KM.
Sredstva se raspoređuju:

30% od ukupnog iznosa (36.000,00 KM) dodjeljuje se u jednakim iznosima parlamentarnim grupama u Općinskom vijeću:

Red.br.	Politički subjekt	Iznos
1	Stranka demokratske akcije (SDA)	4.000,00 KM
2	Socijaldemokratska partija BiH (SDP)	4.000,00 KM
3	Nezavisni blok (NB)	4.000,00 KM
4	Stranka demokratske aktivnosti (A-SDA)	4.000,00 KM
5	Narod i pravda (NIP)	4.000,00 KM
6	Demokratska fronta (DF)	4.000,00 KM
7	Savez za bolju budućnos (SBB)	4.000,00 KM
8	Naša stranka (NS)	4.000,00 KM
9	Narodni pokret (NP)	4.000,00 KM

60 % od ukupnog iznosa (72.000,00 KM) se raspoređuje na 9 (devet) parlamentarnih grupa srazmjerno broju vijećnika/ca u Općinskom vijeću u trenutku dodjele mandata i to:

Red.br.	Politički subjekt	Broj vijećnika	Iznos	Ukupan iznos
1	Stranka demokratske akcije (SDA)	13	2.322,58 KM	30.193,54KM
2	Socijaldemokratska partija BiH (SDP)	6	2.322,58 KM	13.935,48KM
3	Nezavisni blok (NB)	4	2.322,58 KM	9.290,32KM
4	Stranka demokratske aktivnosti (A-SDA)	2	2.322,58 KM	4.645,16 KM
5	Narod i pravda (NIP)	2	2.322,58 KM	4.645,16 KM
6	Demokratska fronta (DF)	1	2.322,58 KM	2.322,58 KM
7	Savez za bolju budućnos (SBB)	1	2.322,58 KM	2.322,58 KM
8	Naša stranka (NS)	1	2.322,58 KM	2.322,58 KM
9	Narodni pokret (NP)	1	2.322,58 KM	2.322,58 KM

10% od ukupnog iznosa (12.000,00 KM) se raspoređuje parlamentarnim grupama razmjerno broju poslaničkih mjesta koja pripadaju manje zastupljenom spolu i to:

Red.br.	Politički subjekt	Broj vijećnika/ca	Iznos	Ukupan iznos
1	Stranka demokratske akcije (SDA)	2	2.400,00 KM	4.800,00 KM
2	Socijaldemokratska partija BiH (SDP)	1	2.400,00 KM	2.400,00 KM
3	Nezavisni blok (NB)	1	2.400,00 KM	2.400,00 KM
4	Naša stranka (NS)	1	2.400,00 KM	2.400,00 KM

Član 3.

Za provođenje ove Odluke starat će se Služba za finansije, trezor i zajedničke poslove, Odjeljenje za finansiranje.

Član 4.

Ova Odluka stupa na snagu danom donošenja i biti će objavljena u "Službenom glasniku općine Sanski Most".

Broj:01-02- 91/22
Datum:24.03.2022.god.

Predsjedavajuća Općinskog vijeća
Dr.Sanda Čekić s.r.

Na osnovu člana 54. stav (3) Zakona o vodama ("Službene novine FBiH", br. 70/06), člana 18. Zakona o vodama ("Službeni glasnik USK", br. 4/11), člana 57. stav (2) i člana 58. stav (1) tačka b) Zakona o komunalnim djelatnostima ("Službeni glasnik Unsko-sanskog kantona", broj: 4/11, 11/11, 6/12, 13/12, 8/15 i 14/17), člana 8. i 13. stav (2) tačka 5.) Zakona o principima lokalne samouprave u F BiH („Službene novine F BiH“, broj: 49/06 i 51/09), člana 21. Zakona o lokalnoj samoupravi („Službeni glasnik USK-a“, broj: 8/11), i člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11), Općinsko vijeće općine Sanski Most, na 13. sjednici održanoj dana 23.03.2022. godine, d o n o s i

ODLUKU O IZMJENAMA I DOPUNAMA ODLUKE O ODVODNJI I PREČIŠĆAVANJU OTPADNIH VODA

Član 1.

Ovom Odlukom vrše se izmjene i dopune Odluke o odvodnji i prečišćavanju otpadnih voda ("Službeni glasnik općine Sanski Most, broj: 01/12) (u daljem tekstu: Odluka u odgovarajućem padežu).

Član 2.

U članu 46. stav (1) Odluke na kraju, iza zadnje riječi umjesto tačke staviti zarez i dodati riječi:
" i vodotoke (potoke, jezera i rijeke), ".

Član 3.

Član 59. Odluke mijenja se i glasi:

"(1) Upravni nadzor nad provođenjem ove Odluke vrši Služba za razvoj, poduzetništvo i resurse, a inspeksijski nadzor vrši Služba za inspeksijske poslove, svako u okviru svoje nadležnosti.

(2) Općinskom komunalno-vodnom inspektoratu u vršenju inspeksijskog nadzora nad provođenjem ove Odluke pomažu komunalni redari."

Član 4.

Član 60. Odluke mijenja se i glasi:

"(1) Novčanom kaznom u iznosu od 1.000,00 do 3.000,00 KM kaznit će se pravno lice, a u iznosu od 500,00 do 1.000,00 KM odgovorno lice u pravnom licu, ako postupi protivno ili se ne pridržava odredaba iz člana: 8., 9., 10., 11., 12., 13., 14., 15., 17., 18., 19., 20., 21., 22., 23., 24., 25., 27., 29., 30., 31., 32., 34., 36., 38., 39., 40., 41., 42., 43., 44., 46., 49., 51., 53., 54., 55., 56., 57. i 58. ove Odluke.

(2) Za prekršaje utvrđene u stavu (1) ovog člana kaznit će se fizičko lice, koje samostalno obavlja djelatnost ličnim radom (samostalni privrednik) novčanom kaznom u iznosu od 500,00 do 1.500,00 KM.

(3) Novčanom kaznom od 500,00 KM do 1.500,00 KM kaznit će se fizičko lice koje samostalno obavlja djelatnost ličnim radom (samostalni privrednik) ako ne postupi po rješenju inspektora."

Član 5.

Iza člana 60. dodaje se član 61. koji glasi:

"(1) Novčanom kaznom u iznosu od 200,00 do 500,00 KM kaznit će se za prekršaj fizičko lice i roditelj ili staratelj malodobnog djeteta ako postupe protivno ili se ne pridržavaju odredaba iz člana: 5., 8., 9., 10., 11., 12., 13., 14., 15., 17., 18., 19., 20., 21., 22., 23., 24., 25., 27., 30., 31., 32., 34., 36., 38., 39., 40., 41., 42., 46., 55. i 56. ove Odluke.

(2) Novčanom kaznom od 200,00 KM do 500,00 KM kaznit će se fizičko lice ako ne postupi po rješenju inspektora."

Član 6.

Dodaje se član 62. koji glasi:

- “(1) Novčanom kaznom od 1.000,00 KM do 3.000,00 KM kaznit će se pravno lice:
- a) ako općinskom komunalnom inspektor i redaru ne daje tražene podatke, ne dostavi na uvid isprave potrebne za vršenje kontrole ili ne dostavi tražene podatke u ostavljenom roku;
 - b) ne izvrši mjere i radnje naložene od strane općinskog komunalnog inspektora i redara ili izvrši radnje koje je općinski komunalni inspektor i redar zabranio;
 - c) u ostavljenom roku ne obavijesti općinskog komunalnog inspektora i redara u vezi izvršenja naloženih mjera.
- 2) Za prekršaj iz stava (1) ovog člana kaznit će se i odgovorno lice pravnog lica novčanom kaznom od 500,00 do 1.000,00 KM.
- 3) Za prekršaj iz stava (1) ovog člana kaznit će se i fizičko lice novčanom kaznom od 200,00 do 500,00 KM.”

Član 7.

Dosadašnji članovi 61. i 62. postaju članovi 63. i 64.

Član 8.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Broj: 01-02-92/22

PREDSJEDAVAJUĆA OPĆINSKOG VIJEĆA

Datum: 24.03.2022.

dr. Sanda Čekić, s.r.

Na osnovu člana 8. i 13. Zakona o principima lokalne samouprave u Federaciji BiH ("Službene novine FBiH", broj:49/06), člana 12. i 21. Zakona o lokalnoj samoupravi Unsko-sanskog kantona ("Službeni glasnik USK-a", broj:8/11) i člana 24. Statuta općine Sanski Most ("Službeni glasnik općine Sanski Most", broj:4/08, 5/08, 5/09, 2/10, 9/11), Općinsko vijeće Sanski Most na 13. sjednici, održanoj dana 23.03.2022. godine, donijelo je

O D L U K U

o izmjeni i dopuni Odluke o izgradnji i načinu finansiranja izgradnje lokalnog
kanalizacionog sistema na području općine Sanski Most

Član 1.

- 1.) U Odluci o izgradnji i načinu finansiranja izgradnje lokalnog kanalizacionog sistema ("Službeni glasnik općine sanski Most", broj:2/03,3/05, 5/14, 10/15, 6/17 i 11/19), u članu 8.stav 3. mijenja se i glasi:
- "u periodu od 01.01.2022. do 31.12.2026. godine, vlasnici objekata koji imaju mogućnost priključka na kanalizacionu mrežu, odnosno gdje postoji izgrađen sekundarni šaht, oslobađaju se naknade utvrđene u stavu 2. ovog člana, s tim u vezi da se obavezuju izvršiti priključak od objekta do već izgrađenog sekundarnog šahta".

Član 2.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Broj:01-02-93/22
Datum: 24.03.2022.

Predsjedavajuća Općinskog vijeća

Dr.Sanda Čekić,sr.

Na osnovu člana 24. Statuta Općine Sanski Most (“Službeni glasnik Općine Sanski Most”, broj: 4/08, 5/08, 5/09, 2/10 i 9/11), Općinsko vijeće općine Sanski Most na 13. sjednici, održanoj 23.03.2022.god., **d o n o s i**

O D L U K U

IZMJENI ODLUKE O PRISTUPANJU IZRADI PROSTORNOG PLANA OPĆINE SANSKI MOST ZA VREMENSKI PERIOD OD 20 GODINA

Član 1.

U Odluci o pristupanju izradi Prostornog plana općine Sanski Most za vremenski period od 20 godina (“Službeni glasnik općine Sanski Most”, br. 05/17), mijenja se član 10. i glasi:

“Nosilac izrade izrađuje Prostornu osnovu Prostornog plana, zatim se ista stavlja na Javni uvid u trajanju od 30 (trideset) dana. U sklopu Javnog uvida, organizuju se: Javna rasprava, prezentacije, okrugli stolovi i druge aktivnosti predviđene Programom uključivanja javnosti. Prije izrade Prostorne osnove, nosilac izrade izrađuje Studiju ranjivosti prostora. Nakon završetka javnog uvida, Prostorna osnova se podnosi Općinskom vijeću na usvajanje. Po usvajanju Prostorne osnove, nosilac izrade izrađuje Prednacrt Prostornog plana, koji stavlja na Javni uvid u trajanju od 30 (trideset) dana: organizuje okrugle stolove, prezentacije i druge aktivnosti predviđene Programom uključivanja javnosti. Po završetku Javnog uvida, nosilac izrade utvrđuje Nacrt Prostornog plana i podnosi ga općinskom vijeću na usvajanje. Nakon usvajanja Nacrta Prostornog plana od strane Općinskog vijeća, nosilac pripreme isti stavlja na Javni uvid u trajanju od 30 (trideset) dana i organizuje Javnu raspravu, okrugle stolove i ostalo predviđeno Programom uključivanja javnosti. Na osnovu rezultata Javnog uvida o Nacrtu Prostornog plana, nosilac izrade izrađuje Prijedlog Prostornog plana, kao i Izvještaj o provođenju Javnih rasprava i javnog uvida sa obrazloženjem primjedbi koje nisu prihvaćene. Prijedlog Prostornog plana i Odluka o provođenju prostornog plana podnose se Općinskom vijeću na usvajanje.”

Član 2.

Ova Odluka stupa na snagu danom donošenja i biće objavljena u “Službenom glasniku općine Sanski Most”.

Broj: 01-02-94/22

Datum: 24.03.2022.god.

Predsjedavajuća Općinskog vijeća
dr. Sanda Čekić, s.r.

**PROGRAM I PLAN AKTIVNOSTI
ZA PRIPREMU I IZRADU PROSTORNOG PLANA
OPĆINE SANSKI MOST ZA VREMENSKI PERIOD OD 20 GODINA**

FAZA IZRADE			ROK IZRADE
I F A Z A	1)	Donošenje Odluke o pristupanju izradi Prostornog plana općine Sanski Most za period od 2015. do 2035.	ZAVRŠENO
	2)	Priprema i izrada Prostorne osnove Prostornog plana općine Sanski Most. Za izradu Prostorne osnove koristit će se ažurni podaci u analognoj i digitalnoj formi, elaborati, studije i ostali naučno-istraživački radovi.	ZAVRŠENO
	3)	Javni uvid u Prostornu osnovu i uključivanje javnosti u vidu javne rasprave.	ZAVRŠENO
	4)	Donošenju Prostorne osnove od strane Općinskog vijeće	USVOJENO
II F A Z A	1)	Izrada Prednacrt Prostornog plana općine	ZAVRŠENO
	2)	Utvrđivanje Nacrta Prostornog plana općine i otvaranje javnog uvida i javne rasprave	jun 2022.god.
	3)	Sumiranje i obrade rezultata javne rasprave	jul 2022.god.
III F A Z A	1)	Izrada Prijedloga Prostornog plana općine i Odluke o provođenju Prostornog plana općine	august 2022.god.
	2)	Podnošenje Prostornog plana općine i Odluke o provođenju Prostornog plana Općinskom vijeću na usvajanje	oktobar 2022.god.

Na osnovu člana 24. Statuta općine Sanski Most ("Službeni glasnik općine Sanski Most", br.4/08,5/08,5/09,2/10, 9/11), Općinsko vijeće na 13. sjednici održanoj dana 23.03.2022.godine, donosi :

ODLUKU o dodjeli stipendija redovnim studentima općine Sanski Most

Član 1. (Predmet odluke)

Odlukom o dodjeli stipendija redovnim studentima općine Sanski Most ((u daljem tekstu: Odluka u odgovarajućem padežu), uređuju se opći uslovi, način i postupak za dodjelu stipendija, zaključivanje ugovora, te ostala pitanja koja se odnose na prava i obaveze korisnika stipendija redovnih studenata općine Sanski Most.

Član 2. (Sredstva za stipendiju)

Sredstva za isplatu stipendija osiguravaju se u Budžetu općine Sanski Most. Općinski načelnik za svaku akademsku godinu raspisuje konkurs za dodjelu stipendija kojim se utvrđuje visina stpendije prema raspoloživim sredstvima u Budžetu općine Sanski Most.

Član 3. (Uvjeti)

Pravo na stipendiju iz ove odluke može ostvariti student visokoškolske ustanove pod slijedećim uslovima:

- da je državljanin Bosne i Hercegovine,
- da ima prebivalište na području općine Sanski Most
- da je redovan student akreditiranih državnih fakulteta,
- da ne prima stipendiju, kredit ili drugi oblik subvencije na ime troškova školarine od drugog davaoca
- da u trenutku prijave na javni konkurs ne obnavlja godinu studija
- da prijavljeni kandidat nije stariji od 27 godina.

Član 4. (Dokumentacija koju treba priložiti)

Na konkurs za dodjelu stipendija kandidati su dužni priložiti :

- a) prijavu sa kraćom biografijom,
- b) kopiju lične karte,
- c) prijavu prebivališta (CIPS),
- d) uvjerenje o upisu godine studija kao redovan student (sa naznakom da prvi put upisuje godinu studija),
- e) ovjerenu izjavu kandidata da ne prima stipendiju , kredit ili drugi oblik subvencije na ime troškova školarine od drugog davaoca,
- f) svi kandidati su obavezni uz prethodno navedenu dokumentaciju dostaviti i ovjerenu izjavu da su saglasni da se njihovi lični podaci mogu obrađivati i objaviti u skladu sa Zakonom o zaštiti ličnih podataka („Službeni glasnik BiH“, br.49/06, 76/11,89/11).

Član 5.
(Sadržaj konkursa za dodjelu stipendija)

Konkurs za dodjelu stipendija raspisuje Općinski načelnik.

Tekst konkursa objavljuje se u sredstvima javnog informisanja, službenoj WEB stranici općine Sanski Most i oglasnoj tabli općine Sanski Most .

Konkurs sadrži :

- a) uslove za dodjelu stipendija sa naznakom akademske godine za koju se vrši dodjela stipendija,
- b) broj korisnika stipendije i visina mjesečnog iznosa,
- c) naziv radnog tijela za provođenje postupka dodjele stipendija
- d) popis dokumenata koje je potrebno priložiti,
- e) rok za podnoženje prijava na konkurs koji ne može biti kraći od 15 dana.

Član 6.
(Komisija za dodjelu stipendija)

Općinski načelnik imenuje Komisiju za dodjelu stipendija (u daljem tekstu Komisija) najkasnije 7 dana prije zaključenja konkursa za dodjelu stipendija.

Komisija iz prethodnog stava ima predsjednika i četiri člana .

Aktom o imenovanju Komisije o dodjeli stipendija , Općinski načelnik utvrđuje sastav i zadatke Komisije.

Administrativno-tehničke poslove za potrebe Komisije obavlja Općinska služba za opću upravu i društvene djelatnosti.

Član 7.

Komisija radi u sjednicama , a odlučuje većinom glasova ukupnog broja članova.

O radu Komisije obavezno se sastavlja zapisnik.

Komisija po zaključenju konkursa razmatra dostavljene prijave nakon čega :

-neblagovremene i nepotpune prijave odbacuje

-prijave kandidata koji ne ispunjavaju uvjete konkursa odbija.

Tokom obrade podnesenih prijava Komisija može od kandidata ili nadležnih organa tražiti dopunu ili provjeru podataka.

Član 8.

Prijedlog liste kandidata koji ispunjavaju uvjete sadrži: redni broj, prezime , ime jednog roditelja i ime kandidata, naziv fakulteta i godinu studija, te se ista dostavlja Općinskom načelniku i objavljuje na WEB stranici općine Sanski Most.

Član 9.
(Pravo na prigovor)

Svaki prijavljeni kandidat ima pravo prigovora na utvrđenu listu kandidata koji ispunjavaju uslove . Prigovor se može podnijeti Komisiji za žalbe na akte po odlukama Općinskog vijeća u roku od 8 dana od dana objave utvrđene liste kandidata iz stava (1), ovog člana.

Utvrđena lista kandidata koji ispunjavaju uvjete protiv koje nije podnesen prigovor iz stava 2. ovog člana je konačna i osnov za zaključenje ugovora o stipendiranju.

O podnesenim prigovorima na utvrđenu listu kandidata iz stava (1) ovog člana Komisija za žalbe na akte po odlukama Općinskog vijeća dužna je odlučiti u roku od 15 dana po isteku roka za podnošenje prigovora.

Član 10.

U postupku odlučivanja po prigovorima Komisija za žalbe na akte po Odlukama Općinskog vijeća će:

- neblagovremene prigovore odbaciti bez razmatranja,
- neosnovane prigovore odbiti,
- prigovore za koje se utvrdi da su osnovani uvažiti i sačiniti izmjenu utvrđene liste kandidata.

Član 11.

Izmjenjena lista kandidata koji ispunjavaju uvjete Komisije za žalbe na akte po odlukama Općinskog vijeća, objavljuje se na oglasnoj tabli i WEB stranici općine Sanski Most.

Izmjenjena lista kandidata Komisije za žalbe na akte po odlukama Općinskog vijeća je konačna i osnov za zaključivanje ugovora os stipendiranju.

Član 12.

Komisija pismenim putem ili na drugi pogodan način obavještava korisnike stipendija o datumu zaključivanja ugovora o stipendiranju.

Član 13.

(Ugovor o stipendiranju)

Ugovor o stipendiranju se smatra zaključenim kada ga potpišu Općinski načelnik i korisnik stipendije.

Ugovor o stipendiranju sadrži:

- a) naznaku ugovornih strana,
- b) visinu mjesečnog iznosa odobrene stipendije,
- c) period i način isplate stipendije,
- d) prava i obaveze ugovornih strana,
- e) uslovi za raskid ugovora i pravne posljedice raskida,
- f) druga pitanja od značaja za ostvarivanje prava na stipendiju.

Član 14.

(Raskid ugovora o stipendiranju)

Ugovor o stipendiranju se raskida :

- a) ako se utvrdi da je pravo na stipendiju kandidat ostvario na osnovu neistinitih ili nepotpunih podataka,
- b) kad korisnik stipendije u toku trajanja ugovora o stipendiranju postane korisnik stipendije, kredita ili drugih oblika subvencija na ime troškova školarine od drugog davaoca,
- c) ako korisnik stipendije svojevóljno prekine školovanje ili promijeni studij bez obavještenja davaoca stipendije,
- d) po volji korisnika stipendije.

Raskid ugovora o stipendiranju vrši se u pismenoj formi.

U slučaju raskida ugovora, korisnik stipendije dužan je davaocu stipendije vratiti puni novčani iznos primljen na ime stipendije u roku koji utvrdi davalac stipendije, uz zakonsku kamatu računajući od dana raskida ugovora.

Član 15.
(Stavljanje van snage)

Ovom Odlukom stavlja se van snage Odluka o kriterijima i načinu dodjele stipendija redovnim studentima općine Sanski Most, broj 07-02-258/12 od 01.02.2012.godine i Odluka o izmeni i dopuni odluke o kriterijima i načinu dodjele stipendija redovnim studentima općine Sanski Most, broj: 01-02-26/17 od 17.02.2017.godine.

Član 16.

Ova Odluka stupa na snagu osmog dana od dana objavljivanja u „Službenom glasniku općine Sanski Most.“

Broj:01-02-95/22
Datum:24.03.2022.god.

Predsjedavajuća Općinskog vijeća
dr. Sanda Čekić,s.r

Na osnovu člana 24. Statuta općine Sanski Most ("Službeni glasnik općine Sanski Most", broj: 04/08, 05/08, 5/09, 2/10 i 9/11), člana 121. stav (2) Poslovnika o radu Općinskog vijeća ("Službeni glasnik općine Sanski Most", broj: 4/17, 7/20 i 7/21) Općinsko vijeće, na 13. sjednici Općinskog vijeća održanoj dana 23.03.2022. godine, donijelo je:

RJEŠENJE

o razrješenju člana Komisije za pitanje boraca

I

Mujo Sinanović razrješava se dužnosti člana Komisije za pitanje boraca, na lični zahtjev.

II

Ovo Rješenje stupa na snagu danom donošenja i bit će objavljeno u "Službenom glasniku općine Sanski Most".

Broj: 01-04 - 96 /22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 04/08, 05/08, 5/09, 2/10 i 9/11), člana 121. stav (2) Poslovnika o radu Općinskog vijeća ("Službeni glasnik općine Sanski Most", broj: 4/17, 7/20 i 7/21) Općinsko vijeće, na 13. sjednici Općinskog vijeća održanoj dana 23.03.2022. godine, donijelo je:

RJEŠENJE

o razrješenju člana Upravnog odbora
JU"Centar za socijalni rad" Sanski Most

I

Nihad Cerić razrješava se dužnosti člana Upravnog odbora JU"Centar za socijalni rad" Sanski Most, na lični zahtjev.

II

Ovo Rješenje stupa na snagu danom donošenja i bit će objavljeno u "Službenom glasniku općine Sanski Most".

Broj: 01-04 - 97 /22
Datum: 24.032022.godine

PREDSJEDAVAJUĆA
OPĆINSKOG VIJEĆA
dr. Sanda Čekić,s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20 i 7/21) Općinsko vijeće Sanski Most na 13. sjednici, održanoj dana 23.03.2022. godine, razmatralo je Izvještaj o rješavanju upravnih stvari u upravnom postupku za 2021. godinu, te nakon rasprave donijelo:

ZAKLJUČAK

Član 1.

Usvaja se Izvještaj o rješavanju upravnih stvari u upravnom postupku za 2021. godinu.

Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-98/22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić,s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20 i 7/21) Općinsko vijeće Sanski Most na 13. sjednici, održanoj dana 23.03.2022. godine, razmatralo je Plan poslovanja JKP" Vodovod i kanalizacija" d.o.o. Sanski Most za 2022. godinu, te nakon rasprave donijelo:

ZAKLJUČAK

Član 1.

Daje se saglasnost na Plan poslovanja JKP" Vodovod i kanalizacija" d.o.o. Sanski Most za 2022. godinu.

Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-99/22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić,s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20 i 7/21) Općinsko vijeće Sanski Most na 13. sjednici, održanoj dana 23.03.2022. godine, razmatralo je Program rada sa finansijskim planom JP" Gradska dvorana" d.o.o. Sanski Most za 2022. godinu, te nakon rasprave donijelo:

ZAKLJUČAK

Član 1.

Daje se saglasnost na Program rada sa finansijskim planom JP" Gradska dvorana" d.o.o. Sanski Most za 2022. godinu.

Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-100/22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20 i 7/21) Općinsko vijeće Sanski Most na 13. sjednici, održanoj dana 23.03.2022. godine, razmatralo je Plan Programa rada i Finansijski plan JU " Narodna biblioteka" Sanski Most za 2022. godinu, te nakon rasprave donijelo:

ZAKLJUČAK

Član 1.

Daje se saglasnost na Plan Programa rada i Finansijski plan JU " Narodna biblioteka" Sanski Most za 2022. godinu .

Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-101/22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20 i 7/21) Općinsko vijeće Sanski Most na 13. sjednici, održanoj dana 23.03.2022. godine, razmatralo je Program rada sa finansijskim planom JP RTV " Sana" d.o.o. Sanski Most za 2022. godinu, te nakon rasprave donijelo:

ZAKLJUČAK

Član 1.

Daje se saglasnost na Program rada sa finansijskim planom JP RTV " Sana" d.o.o. Sanski Most za 2022. godinu.

Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-102/22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20 i 7/21) Općinsko vijeće Sanski Most na 13. sjednici, održanoj dana 23.03.2022. godine, razmatralo je Rješenje o razrješenju člana Upravnog odbora JU" Općinski fond za komunalne djelatnosti i infrastrukturu" Sanski Most, te nakon rasprave donijelo:

ZAKLJUČAK

Član 1.

Ne usvaja se Rješenje o razrješenju člana Upravnog odbora JU" Općinski fond za komunalne djelatnosti i infrastrukturu" Sanski Most.

Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-104/22
Datum: 24.03.2022.godine

PREDSJEDAVAJUĆA
OPĆINSKOG VIJEĆA
dr. Sanda Čekić, s.r.

